

ادبیات عمومی و تجربی

هفته‌لق سیاسی ، علمی و ادبی غزته‌در

جلد : ۲

سنه : ۱ ۱۱ ذی الحجه ۱۳۳۵ جمعه ایرتسی ۲۹ ایلول ۱۹۱۷ نومرو ۴-۳۵

فضیلت - مفسدت

[بیوک زومانجیمز حسین رحیمی بک، کیتدکجه فیلسوف اولیور. بوندن صکره استادک یازده جقلری رومانلرده فلسفه و حکمت دها زیاده تبارز ایده جکدر. خصوصیات ملیه مزری، رنگ محلیمزى، او وعائله عالمی مزى، نقائصمزى، فضائلمزى متعدد سر اثرلره تثبیت و بونلرک اخلاقه بیلمه‌سنه هپمزدن فضله بذل مقدور ایدن حسین رحیمی بک رقیق و دقیق بر پسیقولوژی نمونه‌سی اولان مقاله آتیه‌سنی قارئلرمرک انظار تقدیرلرینه عرض ایدرز. استاد، آره‌صره کوزل اثرلر اهدا واحسانیه مجموعه مزى حمایه ایده جکدر.]

ایشته انسانیت ترازینسک ایکی کوزینه موضوع، بربرینه ضد فقط همان غیر مفارق بر چفت کله که فانیلرک حسنات و سیاتی بونلره تارتیلیر...
فضل ایله فساد یکدیگرینه بوقدر یاقین کوستردیکمه بلکه اعتراض ایدن اولور. وجودله عدم کی هرشی ضدیله تعین ایدر. بری اولماسه دیکری ناصل تظاهر ایده‌بیلیردی؟
دینه‌بیلیرکه فاضلر فضیلتلرینی مفسدله مدیوندرلر. چونکه فضلك قیمتی مفسدلرک افسادی یوکسلیتور.

اخلاق نه اولدیغنی بزه تلقینه باشلادقلری کوندنبری فضیلته قارشى میل و حرمتمزى جلبه و مفسدتدن بزى تنفره اوغراشیلر. هر ملتک اخلاقى هدفی بو دکلیدر؟ فقط نه‌دن حالا فضیلت مفسدته مغلوبدر؟ و اجتماعی هیئتله، فاضلن زیاده مفسدلرله طولودر؟ اگر فضل فساده غالب کله ایدی شمدی به قدر دنیا دوزلش اوله جقدی. فاضلر عدداً مفسده فائق بولونه‌ایدی، مدنی مملکتلرده اشرافی قبالی طومق ایچون مدرسه و مکتبلره ضمیمه حبسخانه‌لرده انشا اولونمازدی... انسانیت بو خصوصده خسته‌در. بو مرضدن رهایاب اوله‌بیلمه‌سندن اک بیوک فیلسوفلر تاامید...
انسانلردن بر قسمنک مدار تفضل ایدیندقلری فضیلت سوزیلر و همان بتون بشریتک نفرین و تلغینه یاد ابتدیی مفسدت کله‌سنک، نه‌وت بوايکی تعبیرک حقیقی مدلولرینه واقعی‌یز؟ فضیلتله مفسدتک، خیر ایله شرک حدودلرینی واضحاً تعین ایده‌بیلیرمی‌یز؟ بو طالده هرشی اضافی ایسه

بشر شناسیده لاعلی التعین بر عضوک تشریحی و فیزیولوژیسی تدقیق ایتمه بکزر . مثلاً اعصابک رولنی توضیح ایچون بتون تشریح و غریزاتی بیلیمک لازم کلدیکی کی - تاریخمزک ، دروننده بولوندیغی توارخ سائر ایچنده ده مطالعه سی کرکدر .

سلطنت عثمانیه نه زمان تشکلی ایدیور ؟ بو سؤله ، طبیعی ، ۶۹۹ ده جوابی ویریله جکدر . فقط ارقام بی روحدر ، بی حسدر . برفکر افاده ایتز . نه دن دولتمز ۶۹۸ ده ویا ۷۰۰ ده - دهها کری وایلری کیده لم - ۵۰۰ ده ویا ۱۰۰۰ ده تأسس ایتدی ؟ بو ۶۹۹ نه دیمکدر ؟ ۶۹۹ سلجوق دولتک انقراضی ، روم دولتک یاغنک توکنمی ، اوروپانک برقاچ سنه صکره بر دورۀ عطالته داخل اوله جنی ، خلفای عباسیه نک ذتاً چوقدن سونمش بولونمی دیمکدر .

لکن بو عناصر تاریخیه هپ ردن طولانمسه ایدی عثمان غازینک امارتی ظهور ایتزدی . دولت عثمانیه - بونک ایچون - دور فتوحاتنده بختیاردر . زمان ، او هنکاملرده آکا درجه نهائییه ده مساعددی . فقط اوچ عصر صکره عینی زمان پک غدارلشدی ؛ بناء علیه ۱۰۰۰ سنه سندن صکره دولتمز اولکی بختی غائب ایتدی .

مهول نوری

بر هفته لق تاریخ حرب

[۱۹ - ۲۴ ایلول ۱۹۱۷]

کچن هفته نک شتون حربیه و سیاسیه سی پک متنوع وزنکیندر . حرب ساحه لرنده مهم حرکات وقوعه کلدیکی کی ، سیاست عالمرنده و صلحه طوغری ده مهم جریانلر کورولدی .

فرانسه ده . (پهن لووه) نک ریاستی آلتنده تشکلی ایدن قاینه مجلس مبعوثان حضورنده پروگرامی اوقوددی . سابق قاینه لر کی بر جوق مواعید ایله طولواولان بو پروگرام حتی فرانسلری بیله ممنون ایدمه دی . بر معتاد (آلاس - لور دن) ک استردادندن ، ضررلرک تضمینندن بحث ایدیور . فقط (پهن لووه) نک ضعفی پک بارز . فرانسه ده ۹۱۴ سفر برلکندن صکره فرقه لر آراسنده مؤسس (مقدس اتحاد) ک بوزولدیغی ده عالمه اعلان ایدیور . فی الحقیقه قاینه یه کیرمه یین سوسیالیستلر ، ۳۷۸ رایه قارشی ۱۷۸ رأی ایله بیان اعتماددن ده استنکاف ایتدیلر .

فرانسه ده (پهن لووه) قاینه سنک هر طرفده کوردیکی صوغوق قبول دهها اونوتولمده دن ، یکی قاینه نک خارجییه ناظری (ریو) بر مبعوثک استیضاحی اوزرینه بر نطق ایراد ایدره ک ، فرانسه نک آلمانیا باش وکیلی طرفندن بحث اولونان معاهدات خفیه یی نشره حاضر بولوندیغی ، فقط بوکا روسیه نک راضی اولمادیغی سوبله دی . حال بوکه دیگر طرفدن کلن تلغرافنامه لرده ، روسیه ده بش کشیدن مرکب تشکلی ایدن (دیره کتوار) حکومتک معاهدات خفیه یی نشر دکل ، فقط لغوه قرار ویردیکنی بیلدیریور . بو حاللر اثبات ایدیورکه ، معاهدات خفیه مسئله سنده کی افشا آتیله آلمان باش وکیلی خصملره ایی یزضربه وورمشدر .

فرانسه ده ایشلر ایی کیتهدیکی بر صیراده ایتالیاده اورتاق پنبه رنکده دکلدر . میلانده ، تورینوده ، جنوه ولایتنده بویوک قارغاشه لقلر ، قانلی اختلاللر خبر ویریلیور . ایتالیا بو کیدیشه روسیه یه ثانی اولاجقدر .

روسیه ده (قورنیلوف) وقعاتی کچن هفته خلاصه ایتشدک . بو وقعه خفنده الآن متناقض خبرلر وار . حالا قورنیلوفک توقیف ایدله دیکی بیلدیریور . یالکز (کوره نسکی) نک یکی بر قاینه تشکلی ایتدیکی و بش کشیدن مرکب بر (دیره کتوار) اداره سی تأسیس ایله روسیه

جمهوریتنك ریاستنی بو مجلسه ویردیکی خبری تحقیق ایتدی . مملکتك هر طرفندن بیک سس وار . حکومت موقته پك شاشیرمش کورونیور . (کهره نسکی) هم رئیس وکلا و رئیس جمهور ، هم باش قوماندان در . بو ذاتك حرصی تا دومایی طاغیتمغه قدر کیدیور . الحاصل روسیه امید و تخمینمزدن ، تخمینمزدن دها قاریشیق .

کچن هفته بحث ایتدیکنز آلمانیا - آرژانتین حادثه سی تزید و خامت ایتدی . صوک کلن تلغرافلر آرژانتین مجلس اعیاننك آلمانیا ایله قطع مناسباته قرار ویردیکنی بیلدیریور . بو هفته صلح مسئله سنده مهم حادثات وار . برکزه مختلف نشریاتدن اکلشادی که آلمانیا ، بلجیقای اعاده یه حاضر در . دیگر طرفدن آلمانیا ایله اوستریا مجارستان پاپانك صلح نوطه سنه جوابلرخی ویردیله . بو جوابلرک نشر اولونان متلرینه نظراً ، دول مرکزیه من القدیم نه درجه صلح پرور اولدقلرخی تذکاردن صوکره ، پاپانك صلح و دکزلرک سربستیی ، ملتلك حریت انکشافی ، تحدید تسلیحات ، حکم اصولی کبی تکلیفات اساسیه سنی مع الممنونیه قبول ایله مکده درلر . اتفاق صربع بو قدر وسیله لرله صلح پرورلکنی اثبات و اظهار ایتدکن صوکره آرتق سوف دشمنلر صرکدر .

بو هفته ظرفنده انکیزلر اوچنجی (فلاندر) میدان محاربه سنه باشلادیلر . ۲۱ ایلولده انکیزلرک ۱۲ کیلومتره لك برجبه ده استعمال ایله دکلری وسائط حربیه و شدتلی آتش حد قصوایه واصل اولمشدی . لاقل دو قوز انکیز فرقه سی (لانکه مارک) ایله (هوللبه ک) آراسنده ، علی الا کثر زرهلی اوتوموبیللرک و آله و صاچان ما کنه لرک تحت مظاهرتنده اولدینی حالده ، کثیف کتله لر حالنده اجرای صولت ایتمشدر . (مهنه ن - ایر) یولنك شمالنده جزئی اراضی دشمن النده قالمشده دیگر صر طرفده آلمان مقابل تعرضیه انکیزلر طرد و دفع ایدلش ، بویله جه اوچنجی فلاندر میدان محاربه سنك برنجی کونی جنرال فون آرمین قومانداسنده کی دردنجی آلمان اوردوسی ایچون بر یوم موفقیت تشکیل ایتمشدر . حربک ایکنجی و اوچنجی کونلرنده ده انکیزلر هیچ برشی قازانه مادقلرینه نظراً ، بو (فلاندر) حربنك دیگر فلاندر حربلری قدر اولسون انکیزلره قائده ویره مدیکی و آلمان قدرت عسکریه سنك کچن تجربه لردن لایق وجهه استفاده ایتدیکی آکلاشیلیور . روس جبهه سنده ایسه ، انکیزلر غریبه فلاندر حربنه باشلادقلری کون ، آلمانلر (دونا) نهرینك صول ساحلنده ، (یاقوبشتاد) ک شهرینك شمال غریبسنده ، مکمل استحضاراتدن صوکره روس مواضعی یارمشلر ، ۴۰ کیلومترو کنیشلکنده و تقریباً اون کیلومترو درینلکنده بولونان کوپری باشی مواضعندن روسلری رجعت و فراره مجبور ایتمشلردر . (یاقوبشتاد) ضبط ایدلش ، آلمان قطعانی برکونده (دونا) نهرینه قدر واصل اولشلر ، روسلر ک بیک اسیر ، ۵۰ دن فضله طوپ براقه رق او بر ساحله قاچشلردر .

(ریفا) تعرضندن صوکره بو ، ذاتاً حال انحلالده کی روس اوردوسنه ایکنجی بر آخیر ضربه در . فقط تضمین اولنه بیلیرکه بو ، بویوک بر حرکت تعرضیه دکلدر . یعنی آلمان ارکان حربیه سی ، با آتیده کی مدافعه لری و یا خود تعرضلری ایچون ، امین و متین موقعلره صاحب بولمق اوزره شرق جبهه سنك شمال جهتلرخی آرزوسنه کوره تعدیل و اصلاح ایدیور . بناء علیه طن اتمه یز که شیمدیلك ، آلمانلر نهری کچوب اوتو کی ساحله ایلریله سینلر . (ریفا) تعرضندن صوکره اولدینی کبی بوضرعه ده روسیه ده وائتلافیلر مملکتلرنده مدعش سوء تأثیراته صبب اوله جتی ، رؤسای امورک قولنی ، قانادینی قیره جقدر .

عنائلی جبهه لرنده آنجق کوچوک محاربات واردر .